

I. ЯЛПИ ХУДУДИЙ МАҲСУЛОТ

Дастлабки маълумотларга кўра, 2018 йилнинг январь-сентябрида ишлаб чиқарилган ялпи ҳудудий маҳсулот (ЯҲМ) ҳажми жорий нархларда 5 356,7 млрд. сўмни ташкил этди. ЯҲМнинг ўсиш суръати ўтган йилнинг мос даврига нисбатан 104,1 фоизни ташкил этди.

Ялпи ҳудудий маҳсулот (ЯҲМ) – миллий ҳисоблар тизимининг асосий кўрсаткичи бўлиб, муайян даврда минтақанинг иқтисодий ҳудудида жойлашган резидент – институционал бирликлар ишлаб чиқариш фаолиятининг якуний натижасини ифодалайди. ЯҲМ ишлаб чиқариш усулида, иқтисодий фаолият турлари бўйича ялпи қўшилган қиймат ҳажми ва маҳсулотларга соф солиқлар йиғиндиси орқали ҳисобланади.

Иқтисодиётнинг асосий тармоқларида кузатилган ўсиш суръатлари ЯҲМ ўсишида асосий омил бўлиб хизмат қилди. Жумладан, қишлоқ, ўрмон ва балиқ хўжалиги тармоғининг ўсиш суръати 101,8 фоиз, (ЯҲМ таркибидаги улуши 37,0 фоиз), саноат – 97,6 фоиз (14,3 фоиз), қурилиш – 107,3 фоиз (9,0 фоиз), савдо, яшаш ва овқатланиш бўйича хизматлар – 112,8 фоиз (11,1 фоиз), ташиш ва сақлаш, ахборот ва алоқа – 107,0 фоиз (6,8 фоиз) ва хизмат кўрсатувчи бошқа тармоқлар 104,9 фоиз (21,8 фоиз) ни ташкил қилди.

ЯҲМ дефлятори индекси 2017 йилнинг январь-сентябридаги нархларга нисбатан 124,1 фоизни ташкил этди.

(фоизда)




Аҳоли жон бошига ҳисобланган ЯХМ 4 012,8 минг сўмни ташкил этди ва бу кўрсаткич ўтган йилнинг мос даврига нисбатан 2,1 % га юқоридир.

2018 йилнинг январь-сентябрида иқтисодий фаолият турлари бўйича ЯХМ ни ишлаб чиқариш қуйидаги маълумотлар билан ифодаланади:

	Млрд. сўм	2017 йил январь- сентябрига нисбатан % да	ЯХМ ўсишидаги ҳиссаси, %
ЯХМ - жами	5 356,7	104,1	4,1
<i>шу жумладан:</i>			
Тармоқларнинг ялпи қўшилган қиймати	5 107,2	104,0	3,8
қишлоқ, ўрмон ва балиқ хўжалиги	1 887,7	101,8	0,6
саноат	729,0	97,6	-0,3
қурилиш	458,3	107,3	0,6
савдо, яшаш ва овқатланиш бўйича хизматлар	566,9	112,8	1,3
ташиш ва сақлаш, ахборот ва алоқа	349,8	107,0	0,5
бошқа хизмат тармоқлари	1 115,5	104,9	1,1
Маҳсулотларга соф солиқлар	249,5	106,4	0,3

Иқтисодий ўсиш суръати миллий иқтисодиётнинг асосий тармоқларида кузатилган ижобий ўсиш суръатлари билан боғлиқдир. Иқтисодиётнинг барча тармоқларида яратилган ялпи қўшилган қиймат (кейинги ўринларда ЯҚҚ) ҳажми ЯХМ умумий ҳажмининг 95,3 % ини ташкил этди ва 4,0 % га ўсди (ЯХМ мутлоқ ўсишига таъсири 3,8 фоиз пунктни ташкил этди). Маҳсулотларга соф солиқларнинг ЯХМ таркибидаги улуши 4,7 % ни ташкил этди ва 6,4 % даражасида ўсиш қайд этилди (ЯХМ мутлоқ ўсишига таъсири 0,3 ф.п.).

**2018 йил январь-сентябрь учун ЯХМ нинг
иқтисодий фаолият турлари бўйича ўсиш суръатлари %да**




ЯХМ ўсиш суръатига хизматлар соҳаси энг катта таъсир кўрсатди (2,9 ф.п.) ва бу соҳа ўтган йилнинг январь-сентябрга нисбатан 7,3 % га ўсди. Жумладан, савдо, яшаш ва овқатланиш бўйича хизматлар 12,8 % га, ташиш ва сақлаш, ахборот ва алоқа – 7,0 % га ва бошқа хизматлар – 4,9 % га ўсди.

2018 йилнинг январь-сентябрь якунларига кўра, қишлоқ, ўрмон ва балиқ хўжалигида ҳам 1,8 % даражасида ижобий ўсиш суръати кузатилди. Мазкур тармоқдаги ўсиш суръати ҳисобидан ЯХМ нинг 0,6 ф.п. ўсиши таъминланди.

Қурилиш тармоғининг ўсиш суръатлари 7,3 % ни ташкил этди. ЯХМ нинг мутлоқ ўсишида қурилиш тармоғининг ижобий ҳиссаси 0,6 ф.п. даражасида баҳоланди.

Ялпи ҳудудий маҳсулотнинг тармоқлар бўйича таркиби
январь-сентябрь ҳолатига (жамига нисбатан фоизда)




2018 йилнинг январь-сентябрда ЯХМ таркибида хизматлар соҳасининг улуши 39,7 фоизни ташкил қилди, бу эса 2017 йилнинг январь-сентябрга нисбатан 2,2 пунктга камдир (41,9 фоиз). Жумладан, ташиш ва сақлаш, ахборот ва алоқа хизматлари 1,2 пунктга камайди ва ҳисобот даврида 6,8 фоизни ташкил қилди. Савдо, яшаш ва овқатланиш бўйича хизматлар улуши 0,4 пунктга камайди ва 11,1 фоизни ташкил қилди, хизмат кўрсатувчи бошқа тармоқлар улуши 2017 йил январь-сентябрдаги 23,2 фоиздан 2018 йил январь-сентябрда 21,8 фоизга тушди.


Жумладан, савдо, яшаш ва овқатланиш бўйича хизматларнинг ЯХМ тармоқлари таркибидаги улуши 2017 йил январь – сентябрдаги 10,7 % дан 2018 йил январь – сентябрда 11,1 % га ошди, ташиш ва сақлаш, ахборот ва алоқа – 6,8 % ни (2017 йил январь – сентябрда 8,0 %), хизмат кўрсатувчи бошқа тармоқлар – 21,8 % ни (2017 йил январь – сентябрда 23,2 %) ташкил этди.

**Хизматлар соҳасининг ялпи қўшилган қиймати таркиби
(жамига нисбатан фоизда):**

2017 йил январь-сентябрь



2018 йил январь-сентябрь



- Савдо, яшаш ва овқатланиш бўйича хизматлар
- Ташиш ва сақлаш, ахборот ва алоқа
- Хизмат кўрсатувчи бошқа тармоқлар